



FRÉTTABRÉF BSSL

BSSL sér um kynbóta-sýningar á höfuðborgar-svæðinu

Búnaðarsamband Suðurlands hefur tekið að sér umsjón kynbótasýninga á höfuðborgar-svæðinu að beiðni Bændasamtaka Íslands sem fram að þessu hafa haft umsjón með þeim. Þannig mun Búnaðarsamband Suðurlands hafa umsjón með kynbótasýningum í Hafnarfirði, Kópavogi, Hornafirði og á Gaddstaðafötum þetta árið.

Hér að neðan má sjá upplýsingar um tíma-setningar kynbótasýninga. **Skráning á stóð-hestasýninguna stendur yfir dagana 25. apríl til 2. maí á skrifstofu BSSL** en skráningarfrestur á aðrar sýningar verður auglýstur síðar.

09.5 - 13.5

Stóðhestasýning á Gaddstaðafötum, 480 1800

17.5 - 27.5

Hafnarfjörður, 480 1800

30.5 - 10.6

Gaddstaðaflatir, Hellu, 480 1800

13.6

Hornafjörður, 470 8088

13.6 - 16.6

Kópavogur, 480 1800

15.8 - 19.8

Gaddstaðaflatir, 480 1800

Reglugerð um merkingar búfjár

Ný reglugerð um merkingar búfjár hefur tekið gildi. Helstu breytingar frá fyrri reglugerð eru þær að frestað er gildistöku þess að allir naut-gripir skulu merktir með viðurkenndu eyrna-merki til 1. janúar 2006. Þá er tekin upp merkingarskylda á sauðfé og geitfé þannig að lömb og kið skal merkja innan 30 daga frá fæðingu með forprentuðu merki þar sem fram komi bæjarnúmer skv. landsmarkaskrá og ein-staklingsnúmer. Frá 1. janúar 2006 skal merkja öll lömb og kið skv. ákvæðum reglu-gerðarinnar auk þess sem öll ásetningsslömb og -kið haustið 2005 merkist skv. reglu-gerðinni.

EFNI BRÉFSINS:

Nýr formaður Hrossaræktarsamtaka Suðurlands	1
Kartöflubændur	1
BSSL sér um kynbóta-sýningar á höfuðborgar-svæðinu	1
Reglugerð um merkingar búfjár	1
Samþykktar tillögur á aðalfundi BSSL	2
Stóðhestasýning á Gaddstaðafötum	3
Sunnlensk mjólkurframleiðsla	4
Hólfabeit á rýgresi	4
Besta naut '98 árgangins	4

Nýr formaður Hrossaræktarsamtaka Suðurlands

Hrafnkell Karlsson á Hrauni í Ölfusi var kjörinn formaður Hrossaræktarsamtaka Suðurlands á aðalfundi þeirra sem haldinn var í Þingborg í þann 14. apríl sl. Jón Vilmundarson, fráfarandi formaður, gaf ekki kost á sér til áframhaldandi setu. Aðrir í stjórn voru kjörnir Brynjar Vilmundarson, Helgi Eggertsson, Hannes Hjartarson og Ólafur Einarsson. Þá voru samþykktar breytingar á lögum sam-takanna sem fela m.a. í sér beina félagsaðild í stað þess að samtökin voru deildaskipt áður. Fundargerð aðalfundarins verður birt innan skamms á vefsíðu Búnaðarsambandsins, www.bssl.is og geta þá menn fræðst nánar um ákvarðanir og umræður á fundinum.

Kartöflubændur

Fræðslufundur um kartöflurækt verður haldinn mánudaginn 2. maí n.k. að Árhúsum, Rangár-bökkum við Hellu og hefst hann kl. 13.30. Á fundinn mæta Hólmgeir Björnsson, sérfræðingur á jarðræktarviði LBHÍ og Magnús Ágústsson garðyrkuráðunautur BÍ ásamt jarðræktarráðunautum Búnaðar-sambandsins. Aðalefni fundarins verður kynning á niðurstöðum rannsókna síðustu þriggja ára með áburðargjöf í kartöflurækt sem gerðar hafa verið í Pykkvabæ og í Villingaholtshreppi. Einnig verða kynnt ný illgresislyf, erlendar niðurstöður á íslenskum jarðvegssýnum úr kartöflugörðum og setið fyrir svörum.

Á DÖFINNI:

- 2. maí: Fræðslufundur um kartöflurækt
- 9.-13. maí: Stóðhestasýning á Gaddstaðafötum

Samþykktar tillögur á aðalfundi BSSL

Á aðalfundi BSSL sem haldinn var að Goðalandi í Fljótshlíð 20. apríl sl. voru samþykktar 13 tillögur. Þeirra á meðal eru ályktanir um nautauppeldisstöðina í Þorleifskoti, erfðabreytta ræktun, Fiskræktarsjóð, samstarf við LBHÍ o.fl. Hér á eftir fara þær tillögur sem fundurinn samþykkti:

Tillaga 1. Nautauppeldisstöð BÍ

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 bendir á mikilvægi þess að uppeldi nauta annars vegar og sæðistaka hins vegar sé aðskilin, með hliðsjón af öryggisþáttum s.s. sjúkdómum, eldsvoða og annarri hugsanlegri vá. Fundurinn leggur því áherslu á, að Nautauppeldisstöðin verði áfram starfrækt í Þorleifskoti og að endurbótum á húsnæðinu verði hraðað til að uppfylla skilyrði aðbúnaðar-reglu-gerðar. Jafnframt telur fundurinn eðlilegt að haft verði fullt samráð við Búnaðarsamband Suðurlands um framgang málsins.



Tillaga 2. Fiskræktarsjóður

Aðalfundur Búnaðarsambands Suðurlands, haldinn að Goðalandi, Fljótshlíð 20. apríl 2005 leggur mikla áherslu á mikilvægi Fiskræktarsjóðs í stuðningi við rannsóknir og fiskrækt í ám og vötnum landsins og varar við öllum hugmyndum um að svifta sjóðinn þeim tekjustofnum, sem nú eru markaðir í lögum.

Greinargerð:

Í skýrslu Hagfræðistofnunar Háskóla Íslands um efnahagsleg áhrif veiða sem kom út á sl. ári kemur m.a. fram að um 60 þúsund manns stunduðu einhverja lax- og silungsveiði árið 2003. Talið er að möguleikar til laxveiða séu um það bil fullnýtir og tæplega sé hægt að auka laxveiðar á stöng. Hins vegar má auka silungsveiði á stöng verulega. Niðurstöður skýrslunnar sýna að stangveiði leggur verulegar upphæðir til þjóðarþúsins, bæði með beinum og óbeinum hætti. Tekjur þær, sem verða til við sölu á veiðileyfum, eru taldar hafa verið 5% af heildar verðmætasköpun landbúnaðarins árið 2000. Tekjur vegna stangveiða skipta umtalsverðu máli fyrir fjölda fólks í dreifbýli. Lögð er áhersla á sjálfbæra nýtingu auðlindarinnar og að til þess að svo megi verða þarf að stunda rannsóknir og vöktun sem eru undirstaða skynsamlegrar nýtingar.

Ástand fiskstofna í íslenskum ám og vötnum er almennt talið gott en ekki er sjálfgefið að svo muni verða á komandi árum.

Virkjun fallvatna og rekstur vatnsaflsvirkjana hafa í för með sér rask sem getur komið niður á fiskstofnum þeirra. Samkvæmt lögum um lax- og silungsveiði er orkufyrirtækjum sem vinna orku úr vatnsafli skylt að greiða gjald til Fiskræktarsjóðs. Lög um lax- og silungsveiði hafa verið til endurskoðunar undanfarið ár. Einn liður í þeirri endurskoðun er ákvæði um Fiskræktarsjóð. Frumvarpið náði ekki afgreiðslu á Alþingi vorið 2004, m.a. vegna andstöðu Landsvirkjunar, sem virðist leitast við að ná fram þeim breytingum, að ekki verði greitt gjald vegna sölu á raforku frá vatnsaflsvirkjunum. Ná slík sjónarmið fram að ganga er ljóst að grundvöllur sjóðsins er brostinn. Þýðing Fiskræktarsjóðs fyrir rannsóknir og uppbyggingu veiðivatna fer sífellt vaxandi. Því er nauðsyn að standa vörð um Fiskræktarsjóð og efla hann enn frekar.

Tillaga 3. Sala og dreifing raforku

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 leggur áherslu á að þær skipulagsbreytingar sem gerðar hafa verið á dreifingu og sölu raforku hafi ekki kostnaðarauka í för með sér fyrir notendur í dreifbýli.

Tillaga 4. Olúgjald

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 leggur áherslu á að staðið verði við þau loforð að ný lög um olúgjald auki ekki útgjöld bænda. Jafnframt tekur fundurinn undir ályktun Búnaðarþings 2005 um sama efni.

Greinargerð:

Búnaðarþing 2005 varar alvarlega við því að upptaka olúgjalds í stað þungaskatts leiðir til verulegs kostnaðarauka fyrir notendur olíu. Talið er að kostnaðurinn vegna kerfisbreytingarinnar sjálfar geti orðið allt að 2 kr/ltr. hjá olúfélögnum sem væntanlega kemur til hækkunar á vöruverði. Þá mun umrædd breyting einnig leiða til lakara þjónustustigs í dreifbýli. Verði umrædd breyting samt sem áður gerð, er það krafa búnaðarþings að heimilt verði að nota litaða olíu á öll landbúnaðartæki þar með taldar vsk. bifreiðar. Þau bú sem ekki nota vsk-bifreið en mundu njóta endurgreiðslu á þungaskatti samkvæmt núgildandi kerfi haldi þeim rétti og fái heimild til að nota litaða olíu á einn skráðan bíl.

Tillaga 5. Kjötmjölsverksmiðjan í Hraungerðishreppi

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 lýsir áhyggjum vegna þeirrar stöðu sem komin er upp varðandi rekstur Kjötmjölsverksmiðjunnar í Hraungerðishreppi. Bendir fundurinn á mikilvægi verksmiðjunnar við eyðingu úrgangs og þar með hreinleika mynd landbúnaðarins. Skorar fundurinn því á hlutaðeigandi að leita allra leiða til að tryggja starfsemi hennar.

Tillaga 6. Samstarf við LBHÍ

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 leggur áherslu á að komið sé á viðræðum við LBHÍ um samstarf við BSSL um endurmenntun bænda á starfssvæði þess.

Tillaga 7. Erfðabreytt ræktun

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 telur brýnt að fram fari almenn umræða um ræktun erfðabreyttra afurða og áhrif hennar á ímynd og hreinleika íslenskra landbúnaðarafurða. Fundurinn telur mikilvægt að fram fari óháð athugun á áhættu sem ræktun erfðabreyttra lyfjaplantna hefur í för með sér fyrir umhverfi, heilsufar og landbúnað sem ekki er erfðabreyttur. Fundurinn hvetur til ítrustu varúðar í þessum málum og að ekki verði veitt frekari leyfi til erfðabreyttrar ræktunar utandyra fyrr en nauðsynleg umræða og óháðar athuganir hafi farið fram á kostum og göllum þessarar ræktunar.

Tillaga 8. Úrvinnslugjald á landbúnaðarplasti

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 skorar á stjórnvöld og sveitarfélög að tryggja að það gjald sem sett hefur verið á rúlluplast skili sér til bænda í aukinni þjónustu við söfnun og eyðingu. Mjög mikill munur er milli sveitarfélaga hvernig staðið er að þessum málum.

Einnig er allt of mikill munur á eyðingu og urðunargjaldi þar sem stjórnvöld hafa ekki unnið við að aðstoða sveitarfélög við þróun á vistvænni úrvinnslu á plastinu.

Tillaga 9. Árgjald til BSSL

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 samþykkir óbreytt árgjald til BSSL, alls kr. 1.000 á félagsmann.

Tillaga 10. Þóknun aðalfundarfulltrúa

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 samþykkir að þóknun fulltrúa á aðalfundi verði kr. 10.000.

Tillaga 11. Laun stjórnar BSSL

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 samþykkir að laun stjórnarmanna verði 10.000 kr. á hvern stjórnarfund auk dagpeninga og aksturs skv. ríkistaxta. Formaður fái tvöföld laun og dagpeninga á við aðra stjórnarmenn auk aksturs. Formaður fái að auki eingreiðslu sem nemur 150.000 krónum m.v. árið 2003 sem framreiknast með launavísitölu.

Tillaga 12. Fjárhagsáætlun BSSL

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 leggur til að fjárhagsáætlun Búnaðarsambands Suðurlands fyrir árið 2005 verði samþykkt.

Tillaga 13. Fjárhagsáætlun Kynbótastöðvar

Aðalfundur Búnaðarsambands Suðurlands haldinn að Goðalandi, Fljótshlíð 20. apríl 2005 samþykkir fjárhagsáætlun Kynbótastöðvar Suðurlands og þar með óbreytt sæðingagjöld á komandi starfsári.

Stóðhestasýning á Gaddstaðaflötum

Eins og áður hefur komið fram var ákveðið að bjóða upp á stóðhestasýningu vikuna 9. til 13. maí á Gaddstaðaflötum. Senn líður að þessu og er því rétt að kynna hvernig fyrirkomulagið verður á þessari sýningu. Það er nokkuð ljóst að sýning á stóðhestum tekur tæpast heila viku og þess vegna er um að gera að mæta einnig með hryssur í dóm. Fyrirkomulagið verður engu að síður þannig að ákveðnir dagar verða tileinkaðir hryssum og aðrir stóðhestum. Yfirlitssýningin mun fara fram 13. maí, hryssur fyrir hádegi og stóðhestarnir eftir hádegið. Hver þátttakan verður veit nú enginn og nánara skipulag verður að biða þar til nær dregur. Tekið verður við skráningum dagana 25. apríl til 2. maí á skrifstofu Búnaðarsambandsins í síma 480-1800. Einnig er hægt að skrá hross til sýningar á heimasíðu Búnaðarsambandsins, www.bssl.is. Sýningargjald á hvert hross er 8.500 kr. Hafi greiðsla ekki borist í síðasta lagi í lok dags 2. maí er viðkomandi hross ekki skráð í mótið. Sýningargjöld er hægt að greiða á skrifstofu Búnaðarsambandsins að Austurvegi 1 á Selfossi eða inn á reikning nr. 0152-26-1618, kt: 490169-6609. Ef greitt er í banka er mikilvægt að biðja bankann um að faxes strax greiðslukvittun til Búnaðarsambandsins, faxnúmerið er 480-1818. Ef greitt er í gegnum netbanka vinsamlegast sendið greiðslukvittun á netfangið helga@bssl.is. Hægt er að greiða sýningargjöldin með kreditkort. Endurgreiðsla á sýningargjöldum kemur aðeins til greina ef látið er vita um forföll áður en dómur hefjast.

Að gefnu tilefni skal það tekið fram að það er ófrávíkjanleg regla að búið sé að taka blóðprufu úr öllum stóðhestum, jafnt ungfolum sem eldri hestum, sem koma til dóms. Að auki verða allir 5 og 6 vetra stóðhestar að vera myndaðir með tilliti til spatts áður en þeir mæta til sýningar. Afhenda verður dómnefnd vottorð um að búið sé að mynda viðkomandi hest að öðrum kosti verður hesturinn ekki dæmdur. Öll hross sem koma til dóms verða að vera einstaklingsmerkt, þ.e. frost- eða örmerkt.

Varðandi reglur um kynbótasýningar er þann fróðleik að finna á heimasíðu Búnaðarsambandsins www.bssl.is.



Efstu 4 vetra stóðhestarnir á LM2004. Vár frá Vestra-Fíflholti, Borði frá Fellskotu, Trúr frá Auðsholtshjáleigu, Gígjar frá Auðsholtshjáleigu, Sólon frá Skáney, Metingur frá Vestri-Leirárgörðum, Mökkur frá Hólmahjáleigu, Mökkur frá Hofi I, Ás frá Ármóti og Fursti frá Stóra-Hofi.

(Ljósmynd Halla Eygló Sveinsdóttir).

Sunnlensk mjólkurframleiðsla

Á vef Búnaðarsambandsins, www.bssl.is er haldið við nýjustu upplýsingum hverju sinni um fjölda fjósa í framleiðslu og við hvaða aðstæður bændur búa. Í apríl er staðan eins og eftirfarandi tafla sýnir:

	Fjöldi	Hlutfall	Meðalstærð
Fjós	280	100%	36,1 básar
Þar af :			
- básafjós	210	75%	30,9 básar
- legubásafjós	69	25%	51,9 básar
- hálmfjós	1	0%	22 kýr
Básar	10.068	100%	
Þar af:			
- hefðb. básar	6.489	64,5%	
- legubásar	3.579	35,5%	
Mjaltaaðstaða			
Fötukerfi	12	5%	19,0 básar
Rörmjaltakerfi	165	59%	30,6 básar
Mjaltabásar	93	33%	44,1 básar
Mjaltapjónar	12 í 10 fjósum	3%	74,4 básar

Besta naut '98 árgangsins

Á aðalfundi BSSL þann 20. apríl sl. voru þeim Herði Guðmundssyni og Maríu Pálsdóttur afhent viðurkenning fyrir besta nautið í árgangi nauta fæddum 1998. Þau hlutu hana fyrir kynbótanautið Font 98027 sem var þeim fæddur, undan Almari 90019 og Skoruvík 241 Pistilsdóttur 84013. Skoruvík var á sínum tíma með hæst kynbótamat allra kúa á landinu um nokkurra ára skeið. Fontur stendur langefstur í sínum árgangi, með 118 í heildareinkunn. Gunnar Guðmundsson, forstöðumaður ráðgjafasviðs, afhenti þeim hjónum viðurkenninguna fyrir hönd Bændasamtaka Íslands og sagði við það tækifæri að þetta væri í tuttugusta skipti sem þessi viðurkenning væri veitt og það hefði einmitt verið á aðalfundi BSSL sem það var gert fyrsta sinni.

Hólfabeit á rýgresi

Rýgresi er algengasta beitarplanta fyrir nautgripi á heimsvísu. Á Nýja-Sjálandi hafa ferðalangar sem þangað fóru séð góða nýtingu á rýgresi sem fólst í því að þaulbeita rýgresisbeitarhólf í stuttan tíma, hvíla það og beita það síðan aftur að ákveðnum dögum liðnum.

Nokkrir sunnlenskir kúabændur tekið upp þessa aðferð með góðum árangri. Einn þeirra er Gunnar Kr. Eiríksson á Túnsbergi í Hrunamannahreppi. Hans beitarSKIPULAG sumarið 2004 var á eftirfarandi hátt: Sumarrýgresi er sáð í tvö beitarhólf sem hvort um sig er um 1 ha. að stærð. Í þriðja beitarhólfið af sömu stærð er sáð vetrarrýgresi. Sáð er í byrjun maí. Fyrsta beitarhólfið er nýtt strax í fyrri hluta júlímánaðar. Hvert beitarhólf er beitt í viku af um 30 kúm en auk þess hafa þær aðgang að túni og heyi með. Beitarhólfið er síðan hvílt á meðan hin tvö hólfín eru notuð en þá tekið í notkun aftur. Um tvær vikur líða því á milli beitarlota en hvert hólf er beitt þrisvar til fjórum sinnum yfir sumarið. Beitarhólfín fá ekki áburð eftir hverja beitarlotu heldur aðeins tvisvar til þrisvar yfir sumarið. Þá eru beitarhólfín slegin einu sinni að sumri eftir að beitarlotu lýkur til að hreinsa toppa og slíkt. Kúnum er síðan beitt á sláttuskárana sem þá éta töluvert úr þeim og dreifa þannig að ekki þarf að hirða uppskeruna.

Niðurstaðan er ákaflega gott og orkuríkt fóður og sáralítil dagleg vinna. Er þetta ekki aðferð sem aðrir bændur geta notfært sér?

Jóhannes Hr. Símonarson.



Hörður og María með viðurkenninguna fyrir Font 98027.